



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Conrado Metensi Episcopo, imperialis aulæ Cancellario.

urn:nbn:de:hbz:466:1-20020

ri canonum adperiens aditum, & nitens claudere viam provisioni pauperum clericorum, quam eis per constitutionem nostram misericorditer curavimus aperire, insipice ac despice temetipsum, eō quōd hujusmodi exegeris juramenta qua sponte oblata recipere minimē debuisses; nisi forte laudetur exactio ubi receptio condemnatur. Accepimus etiam quōd excommunicatis indifferenter communicans, G. pro injectione manuum in clericum violenta vinculo excommunicationis astrictum de facto absolvere auctoritate immo potius temeritate propria präsumpsisti, & laicis in præjudicium clericorum tam favorabilis es efficiens quōd filios quorundam burgenium di Mirebello subtraxisti servitio clericalis militiae, ut occasione hujusmodi factos laicos sub servitute redigeres laicorum. Clericis verò tyrannus, decimas eis debitas laicis adjudicas contra jura; & ab Abbatibus, Prioribus, & aliis Ecclesiasticis Prælati tua dictione subjectis indebitas procurations extorquens, si quando tibi non visitanti parochiam premium expensarum quas in tua procuratione facerent, si eorum visitares Ecclesias, non exsolvent, patratas ad omnem impetum tuum excommunicationis & interdicti sententias illico fulminas in eosdem, vel cum tam onerosa multitudine, non ut ædifices & plantes, sed ut si qua congregata sunt disipes & desperdas, ad defectum, non ad profectum, talis eis hospes accidis quōd * longi temporis vietū hora brevi consumens, tuos mendicare cogis post exitum receptores; & ut manus tuas in Piclavensi dioecesi nulla possit exactio præterire, Archidiaconis, Archipresbyteris, & Decanis quosdam de novo præponis vicarios, usurpans officia singula ut commoda sentias singulorum & facilis te tuorum manibus ad turpia lucra & infames exactiones extendas, aliarumque gravium exactionum novus inventor, sicut fertur, ad te & aliquos simplices tibi collegas adversus eos quos offendere niteris nostras facis litteras impetrari quorundam nomine, ipsis omnino irrequisitus ac insciis, qui nullam habent causam agendi, & cùm nullus appareat actor vel accusator seu denuntiator contra eos quorum nomina nostris litteris inferuntur, tu tamen in ipsis & aliis qui nominatum non exprimitur in litteris, occasione illius clausulae Quidam alij, qua in litteris nostris sæpe solet apponi, collegis tuis ad excogitatum malitiam præ simplicitate nimia inclinatis sententias jacularis, non qualis vigor exi-

Tom. II.

git rationis; sed quales motus ingerit voluntatis. Cùm autem aliqui ex delegatione nostra aliquam sententiam proferunt quæ tibi displiceat, statim eos tamquam inimicos persequeris capitales, & inferis eis per te & tuos quaecunque potes injurias & iacturas, inhibens subditis ne sententias delegatorum nostrorum observent. Illud inter alia non duximus omittendum; quod cùm excommunicaveris quendam Presbyterum & omnes qui fuere præsentes quando Helias de Vernia Miles cum filia R. de Cella contraxit, qui se proxima consanguinitatis linea contingebant, mutato iudicio receptione pecunia, tamquam impedimentum evanuerit parentele adveniente qui manum judicantis implevit, contractum quem debito justitiæ reprobasti, non erubuisti per injustitiam tibi contrarius approbare. In his quidem & aliis vide lib. 10, epist. 192. scilicet lib. 13. epist. 92. 93.

Illa scriptum est super hoc.

C O N R A D O M E T E N S I
Episcopo, imperialis aule Cancellario.

Tanto in hoc tempestatis articulo efficiacius nos oportet fratribus & coepitcopsis nostris adesse quanto pro sedis apostolica reverentia majoribus le pressulis & iacturis exponunt. Eapropter, venerabilis frater in Christo, tuis cupientes

Epist. 187.
Conceditur
sibi plura pri-
vilegia.

§ 811 ij

692 Epistolarum Innocentij III.

necessitatibus providere, auctoritate praesentium tibi personaliter indulgemus ut tuæ malefactores Ecclesiæ, cujuscunque dioecesis, ut ab ipsis & tam Clericorum quam laicorum ad ipsam spectantium indebita molestatione defistant, si dioecesani Episcopi eos compescere neglexerint requisihi, tu legitima monitione præmissa per censuram ecclesiasticanam valeas coercere, quam usque ad satisfactionem condignam volumus & præcipimus inviolabili observari; proviso prudenter ut in hoc prævia ratione procedas. Præterea prohibemus ne Treverensis Archiepiscopus inconsulto Romano Pontifice in te suspensionis vel excommunicationis sententiam jaculetur; ita tamen ut tu ei debitam reverentiam exhibere procures. Nec cuiquam liceat castra tua subictere interdicto, quandiu conquerentibus justitiae plenitudinem feceris exhiberi. Hanc autem durare volumus indulgentiam dum imminens imperij tempestas duraverit; quia cessante causa, cessare debet effectus. Nulli ergo &c. concessionis &c. usque incursum. Datum Laterani xv. Kal. Novemb. pontificatus nostri anno decimoquinto.

*NOBILIBVS VIRIS VIVIANO,
Gaillardo, & aliis dominis Scuriensis castris.*

Epi. 188.
Eis concedit
multa privile-
gia.

Manifestum est castrum quod Scuria dicitur temporibus sanctæ memorie Sylvestri Papæ, sicut ex inspectione literarum antecessoris nostri felicis recordationis Sergij Papæ cognovimus, regia liberalitate per manus ejusdem beato Petro quondam fuisse collatum, & a Vediano quondam ejusdem castris domino memorato prædecessori nostro Papæ Sergio per innovationem sub annuo censu decem solidorum Raymundensis moneta fuisse recognitum & oblatum. Idem etiam castrum Humbertus, Raymundus, & Sicardus domini ipsius loci prædecessori nostro beatae memorie Papæ Calixto & per manum ipsius beato Petro & sanctæ Romanæ Ecclesiæ recognoverunt & obtulerunt. Nos itaque eorundem antecessorum nostrorum Sergij, Calixti, Innocentij, & etiam Adriani Romanorum Pontificum, qui castrum ipsum ad jus & proprietatem beati Petri pertinens sub apostolica sedis protectione ac munimine receperunt, vestigis inhærentes, præfatum castrum sub beati Petri & nostra protectione suscipimus & presentis scripti patrocinio communimus, statuentes ut neque Comiti neque alicui personæ facultas sit ipsum castrum aufer-

re, minuere, infestare, vel suis usibus vendicare; sed quietum & integrum vobis in fide catholica & fidelitate apostolica permanentibus, sicut a jambiis prædecessoribus nostris & a nobis concessum est, sub beati Petri jure ac defensione consistat. Sanè si quis vestrum gravius aliquid, quod absit, forte commiserit, pro ejus culpa, sicut a præfato prædecessore nostro Alessandro Papa statutum est, nisi & alij ejusdem iniquitatis participes fuerint, ipsi & honores eorum minimè à divinis interdicuntur officiis, quod & de subjectis militibus vestris præcipimus observari. Statuimus etiam ut nulli nisi dominis & hominibus ejusdem castris liceat infra terminos tenimenti vestri castrum ædificare vel munitionem construere. Si qua verò ecclesiastica secularis persona adversus homines ejusdem castris querimoniam depoferit, apud Metropolitanum vestrum vel Legatum à latere Romani Pontificis datum quod justum fuerit experiri proceret. Nos autem à dilecto filio nobilis viro Ademaro uno dominorum ejusdem castris ad nostram præsentiam accedente, pro ipso castro fidelitatis recepimus juramentum, & ab aliis per manum dilecti filiiagi Petri Marci Subdiaconi nostri, olim corrector litterarum nostrarum, & Archidiaconi ForoJulieni, recipi viva voce mandamus. Si quis igitur Clericus sive laicus temerè, quod absit, adversus ista venire tentaverit, secundò tertioe communitus si non satisfactione congrua emenda- verit, honoris & officij sui patiatur periculum, aut excommunicationis ultione plectatur. Qui verò conservator extiterit, omnipotens Dei ac beatorum Petri & Pauli Apostolorum ejus gratiam consequatur. Datum Laterani i i i. Idus Novemb., pontificatus nostri anno decimoquinto.

CONSVLIBVS ET POPVL
Mediolanensibus, spiritum consilij saniorum.

CVM illam recolimus exuberantiam caritatis & gratiae specialis qua fides apostolica Mediolanensem ab antiquo dilexit & extulit civitatem, quoque nos specialiter eam tuimus hacenus amplexati, cùmque illum reverentiae ac devotionis fervorem quem civitas eadem ad apostolicam sedem & personam nostram ulque ad hæc habuit tempora cogitamus, meditantes quantum utraque per reliquam in negotiis suis proficere confluavit, vehementer angimus & turbamur, ita ut sit nobis tristitia magna & dolor continuus cordi nostro, cō